

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

মঙ্গলবার, জুন ২০, ২০১৭

গণপ্রজাতন্ত্রী বাংলাদেশ সরকার  
অভ্যন্তরীণ সম্পদ বিভাগ  
ঢাকা  
প্রজ্ঞাপন

তারিখ: ০৪ আষাঢ় ১৪২৪ বঙ্গাব্দ/১৮ জুন ২০১৭ খ্রিস্টাব্দ

এস, আর, ও নং ১৯৫-আইন/২০১৭/১৯-মুসক।—উন্নয়ন সারচার্জ ও লেভী (আরোপ ও আদায়) আইন, ২০১৫ (২০১৫ সনের ২০ নং আইন) এর ধারা ৬ এ প্রদত্ত ক্ষমতাবলে সরকার, উক্ত আইনের ধারা ৩ এর দফা (ক) দ্বারা আরোপিত পরিবেশ সুরক্ষা সারচার্জ আদায়ের লক্ষ্যে, নিম্নরূপ বিধিমালা প্রণয়ন করিল, যথা:—

১। **শিরোনাম।**—(১) এই বিধিমালা পরিবেশ সুরক্ষা সারচার্জ (আদায় ও পরিশোধ) বিধিমালা, ২০১৭ নামে অভিহিত হইবে।

(২) ইহা ০১ জুলাই, ২০১৭ খ্রিঃ তারিখ হইতে কার্যকর হইবে।

২। **সংজ্ঞা।**—বিষয় বা প্রসঙ্গের পরিপন্থী কিছু না থাকিলে, এই বিধিমালায় “নির্দিষ্টকৃত প্রতিষ্ঠান” অর্থ জাতীয় রাজস্ব বোর্ড, পরিবেশ ও বন মন্ত্রণালয়ের সহিত পরামর্শক্রমে, সরকারি গেজেটে প্রজ্ঞাপন দ্বারা নির্দিষ্টকৃত পরিবেশ দূষণকারী এমন কোন প্রতিষ্ঠান যাহা বায়ু, পানি বা মাটির তাপ, স্বাদ, গন্ধ, ঘনত্ব বা উহাদের অন্যান্য বৈশিষ্ট্যের পরিবর্তনসহ বায়ু, পানি বা মাটির দূষিতকরণ বা উহাদের ভৌতিক, রাসায়নিক বা জৈবিক গুণাবলীসমূহের পরিবর্তন, অথবা বায়ু, পানি, মাটি বা পরিবেশের অন্য কোন উপাদানের মধ্যে তরল, গ্যাসীয়, কঠিন, তেজস্ক্রিয় বা অন্য কোন পদার্থের নির্গমনের মাধ্যমে বায়ু, পানি, মাটি, গবাদি পশু, বন্যপ্রাণী, পাখী, মৎস্য, গাছপালা বা অন্য সবধরণের জীবনসহ জনস্বাস্থ্যের প্রতি ও গৃহকর্ম, বাণিজ্য, শিল্প, কৃষি, বিনোদন বা অন্যান্য ব্যবহারিক ক্ষেত্রে ক্ষতিকারক, অহিতকর বা ঋৎসাতক কার্য সম্পাদন করে।

৩। **সারচার্জ পরিশোধ ইত্যাদি।**—(১) নির্দিষ্টকৃত প্রতিষ্ঠান কর্তৃক বাংলাদেশে উৎপাদিত সকল ধরনের পণ্যের উপর উন্নয়ন সারচার্জ ও লেভী (আরোপ ও আদায়) আইন, ২০১৫ এর প্রথম তফসিলে উল্লিখিত হারে পরিবেশ সুরক্ষা সারচার্জ পরিশোধ করিতে হইবে।

(২) উপ-বিধি (১) এ উল্লিখিত পরিবেশ সুরক্ষা সারচার্জ নির্দিষ্টকৃত প্রতিষ্ঠান ট্রেজারী চালান বা ইলেক্ট্রনিক ট্রান্সফারের মাধ্যমে অর্থ বিভাগ কর্তৃক সুনির্দিষ্টকৃত অর্থনৈতিক কোডে জমা প্রদান করিবে।

(৬৮০৫)

মূল্য : টাকা ৪.০০

৪। **প্রতিবেদন দাখিল।**—প্রত্যেক নির্দিষ্টকৃত প্রতিষ্ঠানকে এই বিধিমালার সহিত সংযোজিত ফরম এ সরকার বা জাতীয় রাজস্ব বোর্ড কর্তৃক এতদুদ্দেশ্যে ক্ষমতাপ্রাপ্ত কর্মকর্তা বা কর্তৃপক্ষের নিকট বিধি ৩ এর অধীন পরিশোধিত সারচার্জের বিবরণী পরবর্তী মাসের ১৫ (পনের) তারিখের মধ্যে মাসিক রাজস্ব বিবরণীর সহিত পৃথকভাবে দাখিল করিতে হইবে।

**গণপ্রজাতন্ত্রী বাংলাদেশ সরকার**

**অভ্যন্তরীণ সম্পদ বিভাগ**

**ফরম**

**[বিধি-৪ দ্রষ্টব্য]**

**পরিবেশ সুরক্ষা সারচার্জ এর মাসিক বিবরণী**

মেয়াদ :

প্রতিষ্ঠানের নাম:

ঠিকানা সহ আনুষঙ্গিক তথ্যাবলী:

মূসক সনাক্তকরণ সংখ্যা:

অর্থনৈতিক কোড :

নির্দিষ্টকৃত প্রতিষ্ঠান কর্তৃক উৎপাদিত ও সরবরাহকৃত পণ্যের যে মূল্যের উপর মূল্য সংযোজন কর নিরুপণ করা হয় সেই মূল্য (অঙ্ক ও কথায়)	জমাকৃত সারচার্জের পরিমাণ (অঙ্ক ও কথায়)

**সংযুক্ত:**

- (১) জমাকৃত ট্রেজারী চালানের অনুলিপি, অথবা
- (২) ইলেকট্রনিক পদ্ধতিতে সারচার্জ প্রদানের ক্ষেত্রে গ্রহণযোগ্য প্রমাণপত্র।

তারিখ:

(-----)  
নির্দিষ্টকৃত প্রতিষ্ঠান।

রাষ্ট্রপতির আদেশক্রমে

**মোঃ নজিবুর রহমান**  
সিনিয়র সচিব

মোঃ আব্দুল মালেক, উপপরিচালক, বাংলাদেশ সরকারী মুদ্রণালয়, তেজগাঁও, ঢাকা কর্তৃক মুদ্রিত।

মোঃ আলমগীর হোসেন, উপপরিচালক, বাংলাদেশ ফরম ও প্রকাশনা অফিস,

তেজগাঁও, ঢাকা কর্তৃক প্রকাশিত। website: www.bgpress.gov.bd